



Synfocity = 342

mail us at : synfo@bsnl.in; synfo@yahoo.com - Phone - 2314648

26th May, 2011

□ Synod Pastors' Retreat 2011

Mizoram Presbyterian Church Synod hnuiaia Minister, Pastor, Pro. Pastor leh Pensioner-te chuan May 24 (Thawhlehi) zan atang khan Aizawl Theological College (ATC)-ah intuaitharna an nei tan.

Pastor-te intuaitharna, Pastors' Retreat hi kum khat dana neih thin a ni a, Pastor thawklai leh pension tawhte, ram chung leh pawna mite tel vek tura beisei an ni thin. Tun tumah hian thupui atan "**Tunlai Kohhran Mamawh**" hman a ni.

May 24 (Thawhlehi) zan khan Retreat Hawna Inkhawm neih a ni a, Synod Senor Executive Secretary Rev. Vanlalzuatan sawi hawngin thuchah a sawi. May 25 (Nilaini) thleng khan luh belh an la awm zel a, thu dawna hnuhung berah chuan Pastor 420 an inziak lut tawh a, pensioner 43 lai an tel thei. A tam zawk hi riak lut an ni a, pensioner leh khawpui chung Pastor thenkhat chu langin an kal bawk a ni.

Retreat chung hian zing dar 6:30 ah Inkhawm neih ziah a ni ang a, chawhma leh chawhnuah thupui hrang hrang zirho thin a ni dawn a, zan dar 6:30-ah Pathian Biak Inkhawm a awm bawk ang.

Retreat chungah thupui zirho turte chu:-

Thupui

- ♦ Revival Bihchianna
- ♦ Pastor leh Materialism
- ♦ Kohhran Humhalh

Sawitu

- Rev. Thangzauva
- Rev. Lalzuithanga
- Rev. P.C. Pachhunga

Thupui ngaihthlak zawhah hian sawihona hun hman zel tura ruahman a ni.

Vawiin (May 26) chawhnuah Rev. K. Lalhmngliana kaihhruiin Thupui Thawhkhawm sawihona hun an hmang ang. Pathian Biak Inkhawm hrang hranga thusawi tura ruatte chu Rev. Dr. Vanlalchhuanawma, Rev. Lalrinmawia leh Rev. Lalsangbera te an ni a. Zanin (May 26) hian Synod Moderator Rev. C. Lalsangliana hnen atangin Inthlahna Thuchah ngaihthlak a ni ang a, naktuk (May 27) zing dar 7:00-ah Synod Statistician Rev. C. Sangliana kaihhruiin Tawngtairual Inkhawm a awm ang a, Retreat hun kharna a ni nghal ang.

□ Special Request

Mizoram Synod hnuiaia Pastor & Pro. Pastor tanglaite Synfo SMS service dawng lote chuan an mobile phone no. a hnuiaia tarlanah hian inhriattir ni se. Tin, Email Id nei, SYNFOCITY dawng lote pawhin an Email Id hriattir ni bawk se. Hming dik tak ziah tel tur a ni. **Email: synfo@bsnl.in; mzsynfo@gmail.com; Phone: 9436152024; 9436159188**

□ MSSU Triennial Secretarial Training wawi 13-na

Presbyterian Kohhran Mizo Sunday School Union buatsaih "Triennial Secretarial Training" chu a wawi 13-na atan Youth Hostel, Luangmual-ah neih mek a ni.

May 24 (Thawhlehi) zan khan training hawna inkhawm neih a ni a, Pi Lalfakmawii, MSSU Coordinator-in programme kaihhruiin Rev. Zosangliana Colney, Executive Secretary i/c. MSSU etc. in training hi hawngin thuchah a sawi nghal bawk. Training hian naktuk (May 27) thleng a awh ang.

Training-ah hian Synod hnuiaia Pastor Bial tin Bial Sunday School ziaktu pakhat theuh tel tura tih an ni a, mi 229 an tel thei a ni. Training-ah hian Sunday School rawngbawlna lam kaihhruiin leh ziaktu hna leh mawhphurhna lam te zirho a ni ang a, Practical Session, Group Discussion leh General Discussion te neih a ni bawk ang.

Thupui zirho turte chu -

Thupui

- ♦ Rawngbawl hna hlen - I & II
- ♦ Sunday School chanchin leh a pawimawhna
- ♦ Secretary hna leh mawhphurhna
- ♦ Christian Education & Child Evangelism
- ♦ Sunday School inrelbawl dan leh Inkaihhruiina

Sawitu

- Rev. Vanlalbela
- Upa K. Zoremsanga, MSSU Trainer
- Pu Lalhlahluna Ralte, MSSU Asst. Coordinator
- Upa Hrilthansanga, MSSU Trainer
- Pu Lalhanchhunga, MSSU Trainer

Zanin (May 26) hian training kharna hun hman a ni ang a, kharna inkhawm hi Upa D.P. Biakkhuma, Synod Secretary (Jr)-in a kaihhruiin ang.

□ Synod Lay Workers' Fellowship Day

Mizoram Presbyterian Kohhran Synod hnuiaia ordained Minister ni lo zawng zawng, thawk lai mek leh pensioner-te inthlunzawmna Synod Lay Workers Fellowship chuan Synod Lay Workers' Fellowship wawi 37-na chu May 27 (Zirtawpni) hian P.C. Girls' School-ah hman a ni dawn a, PRESCOM leh P.C. Girls' School-in an thleng dawn a ni. Hemi ni hian Synod Office leh Synod hnuiaia Department hrang hrang, Presbyterian Hospital tih loh chu dawr theih an ni dawn lo a ni.

Lay Day 2011 denchhen hian thawktute hnen atangin tanpuina thilpek lakkhawm mek a ni a, thawmhnaw leh pawisa neih remchan ang angte thawh khawmin mi harsa zawkte hnenah sem chhuah a ni ang.

Lay Day programme hi hun 2 - Hun Urhsun leh Fak Runpui-ah thenin hlawk tak hle hlimawm taka hman an tum. Tlaih ruai theh nghal a ni ang. (*Programme kimchang pheh lehlamah tarlan a ni*)

□ Synod Mission Board

♦ **Pastors' Orientation Training** : May 30 - June 3 chung hian Synod Mission Board bultumin Missionary Training Centre, Mission Vengthlangah Pastor-te pualin Orientation Training buatsaih a ni dawn a, orientation training la nei lo ram pawna thawktu, pastor 22 lo tel tura beisei an ni. Orientation-ah hian **Cultural Anthopology and Christian Mission** (Rev. K. Lalrinkima), **Mission Strategy** (Pu R. Lalnuntluanga), **Account Training** (Upa C. Lalmuankima), **Administration and Personal Management** (Pu Rinsanga IAS (Rtd.)), **Office Matters** (Upa R. Lalmalsawma), **Contemporary Theology of Mission** (Rev. Remlalfaka), **Missionary Life and Practical Challenges** (Rev. Zosangliana Colney), **Practical Issues in Mission in India** (Rev. K. Lalhmngliana), **Criminal Law** (Pu C. Laldina MPS), Indian Society and Globalisation (Rev. Rosiamliana tochwawng) leh **Social Justice and Civil Law** (Pi Sylvi) te zirtir an ni ang. June 3 (Zirtawpni) zanah Synod Mission Board Executive Committee member-te nen inkawmhona hun an hmang bawk ang.

♦ Jorhat hmuna Presbyterian Kohhran rawngbawlna chuan hma a sawn mek a, Jethu Karmakara leh a nupui Anita Karmakar te chuan May 18, 2011 khan baptisma an chang thar a, synod rawngbawlna hnuiaia ringtu hmasa ber an ni.

Contd...

- **Kohhran Hmeichhia**
May 25 & 26 hian North East India Christian Council Women Assembly (NEICCWA) Standing Committee, Shillong-ah neih mek a ni a, committee-ah hian Pi Lalsawmliani, NEICCWA Executive Committee Member a tel.
- **Kristian Thalai Pawl**
 - ♦ May 26 - 29 hian East Lungdar Bial huapin Leng Kohhranah Leadership Training & Solfa zirna neih a ni dawn a, training neihpui tur hian CKTP hruaitu Upa Lalrinmuana, Gen. Secretary, Pu Lalthanmawia, Committee Member leh Tv. C. Lalnunluanga, Luangmual te an kal ang.
 - ♦ Synod Choir-te chuan May 29 (Pathianni) hian Aizawl Central Presbytery KTP Meet, Armed Veng Kohhranah zaia rawngbawl na an nei ang.
- **CWM Programme-ah Rev. C. Lalhlira**
Council for World Mission (CWM) buatsaih in May 16 -21 chung khan Fiji khawpui Suva-ah Face to Face: Cross-cultural Interface programme hman a ni a, hetah hian Aizawl Theological College Vice Principal Rev. C. Lalhlira a kal. Hetiang programme hi CWM hian hmun hrang hrangah a buatsaih thin a, Rawngbawltute hnamze hrang hrang inzir tawna leh Missioanry atana buatsaihna a ni deuh ber. Kum tawp lam (Sept. - Nov.) hian Bishop's College (Kolkata) leh Aizawl Theological College (ATC)-ah Face to Face programme hi buatsaih a ni baw ang.
- **Mizoram People Forum**
Nagaland Baptist Church Council (NBCC) chuan kum 2012 hian an kum 75-na (Platinum Jubilee) an lawm dawn a. Hemi atana inbuatsaihna chi khat atan leh kum 2013-a an ram General Election lo awm tur, thianghlim leh felfai taka neih a nih theih nan Mizoram Presbyterian Church Synod, Mizoram People Forum leh Central Young Mizo Association te chu 'Consultation on Election' neihpui turin an rawn sawm a. May 24 - 26 chungaha Consultation neihpui turin heng mite hi an kal a, an paper buatsaih hetiang hian zirho a ni ang :
 - ♦ Rev. Dr. R. Lalbiakmawia - The Genesis of Mizoram People Forum
 - ♦ Dr. Lalbiakmawia Ngente - The Role of Mizoram People Forum
 - ♦ Pu J. Lalsailova - Role of YMA in time of Election
- **Susamachar Prasaran Programme**
May 29 (Pathianni) tlaiah Hindi Programme (Susamachar Prasaran) LPS & Zonet Cable atangin hetiang hian tih chhuah a ni ang :
 - ♦ Group/Choir/Solo : The Leprosy Mission Choir - Hame Sab Kuch Vo De Ta
 - ♦ Group/Choir/Solo : Chhinga Veng Kohhran Masihi Sangati - Isu Bula Raha Hai
 - ♦ Sermon : Rev. Laltharzuala - Masib hamara Adarsh
 - ♦ Group/Choir/Solo : Masihi Sangati - Phunchawng Kohhtran
 - ♦ Group/Choir/Solo : Chaltlang Kohhran Masihi Sangati
 - ♦ Solo : H. Vanlalringa - Kabhi Khudhko
- **Moderator Programme**
Synod Moderator Rev. C. Lalsangliana chuan tun kar tawpah hetiang hian hun a hmang ang :
 - ♦ May 27 : Synod Lay Workers' Fellowship Day hmanpui
 - ♦ May 28 - 30 : Kolasib Diakkawn Bial tlawh

2011 SYNOD LAY WORKERS' ANNUAL GENERAL MEETING LAY DAY PROGRAMME (27th May 2011)

Chawhma : Hun Urhsun (10:30 a.m - 12:30 p.m.)

Hruaitu	:	Upa F.Lalsangliana
Tantu	:	Pu B.Lalngheha
Hla	:	Ka tlantu fak in ka zai ang (KHB No. 55)
Report & Inchhiarna	:	Secretary, SLWF
Member thite sunna	:	Chairman kutah
Lay Day Address	:	Rev. C.Lalsangliana, Moderator, Mizoram Synod (15 mins)
Zaipawl	:	S.H.S.S
Thupui	:	Pathian lawm tlak inthawina (Rom 12:1)
Sawitu	:	Rev. Vanlalbela (30 mins)
Chawimawina hlan	:	
Hlantu	:	Upa H.Ronghaka, Chairman. SLWF
Hruaitu thar hlan	:	Moderator
Hla	:	
Banna	:	Chairman kutah

THINGPUI RUI

Chawhnu : Fak Runpui (1:30 - 3:30 p.m)

Hruaitu	:	Upa Dr. L. Ringluaia
Thupui	:	Fakna thiltihtheihna
Sawitu	:	Pu Lalromawia
Solo	:	Pu Lalmuanpuia
Group Singing	:	Presbyterian Hospital

